



Broj: 06-1-07-1-49/19
Sarajevo, 07.02.2019. godine

Na osnovu člana 2.9 stav (1) tačka 9, a u vezi sa članom 10.15 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), te člana 21. stav (3) tačka c) i člana 34. Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14, 90/16, 8/17 i 91/18) Centralna izborna komisija Bosne i Hercegovine je na 14. sjednici, održanoj 07.02.2019. godine, donijela

ODLUKU

o utvrđivanju rezultata posrednih izbora i dodjeli mandata delegatima u Domu naroda Parlamenta Federacije Bosne i Hercegovine iz Srednjobosanskog kantona

(1) Centralna izborna komisija Bosne i Hercegovine utvrđuje rezultate posrednih izbora za Dom naroda Parlamenta Federacije Bosne i Hercegovine iz Srednjobosanskog kantona, kako slijedi:

a) Kandidatske liste iz reda bošnjačkog naroda:

1. Kandidatska lista predlagača Mrako Amera dobila je **8 glasova – 1 mandat**,
2. Kandidatska lista predlagača Švago Almira dobila je **0 glasova – nije osvojila mandat**,
3. Kandidatska lista predlagača Orlović Amira dobila je **2 glasa – nije osvojila mandat**,
4. Kandidatska lista predlagača Škandro Admira dobila je **6 glasova - nije osvojila mandat**.

b) Kandidatske liste iz reda hrvatskog naroda:

1. Kandidacijska lista predlagatelja Saraf Marka dobila je **3 glasa – 1 mandat**,
2. Kandidacijska lista predlagateljice Džambas Zdenke dobila je **3 glasa - 1 mandat**,
3. Kandidacijska lista predlagatelja Nakić Ilije dobila je **4 glasa – 1 mandat**,
4. Kandidacijska lista predlagateljice Bošnjak Željke dobila je **1 glas – nije osvojila mandat**.

c) Kandidatska lista iz reda srpskog naroda

1. Kandidatska lista predlagača Atanasijević Ljubinke dobila je **1 glas - 1 mandat**.

(2) Centralna izborna komisija Bosne i Hercegovine dodjeljuje mandate u Domu naroda Parlamenta Federacije Bosne i Hercegovine iz Srednjobosanskog kantona delegatima:

1. **Mušanović Elvedin – Bošnjak**
2. **Saraf Marko – Hrvat**
3. **Džambas Zdenka – Hrvatica**
4. **Nakić Ilija – Hrvat**
5. **Atanasijević Ljubinka - Srпкиnja**

O b r a z l o ž e n j e

Skupština Srednjobosanskog kantona dostavila je Centralnoj izbornoj komisiji Bosne i Hercegovine, dana 05.02.2019. godine, akt broj: 04-04-84-4/19 od 05.02.2019. godine, te u prilogu akta cjelokupan izborni materijal u vezi sa provedenim posrednim izborima za Dom naroda Parlamenta Federacije Bosne i Hercegovine iz Srednjobosanskog kantona, i to: Zapisnik sa sjednice Komisije za izbor i imenovanja, Izvještaj o utvrđivanju redoslijeda kandidatskih listi žrijebanjem, evidenciju preuzimanja glasačkih listića, Izvještaj o provođenju postupka tajnog glasanja za izbor delegata u Dom naroda Parlamenta Federacije BiH i glasačke listiće.

Članom 10.10. Izbornog zakona BiH propisano je da kantonalna zakonodavna tijela biraju 58 delegata u Dom naroda Parlamenta Federacije BiH, 17 iz reda bošnjačkog, 17 iz reda srpskog, 17 iz reda hrvatskog naroda i sedam iz reda ostalih.

Za Dom naroda Parlamenta Federacije BiH iz Srednjobosanskog kantona, u skladu s članom 21. stav (3) tačka f) Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14, 90/16, 8/17 i 91/18), bira se ukupno **šest (6)** delegata i to jedan (1) iz reda bošnjačkog naroda, tri (3) iz reda hrvatskog naroda, jedan (1) iz reda srpskog naroda i jedan (1) iz reda Ostalih.

Odredbama člana 10.14 Izbornog zakona BiH propisano je da svaki delegat u kantonalnoj skupštini daje jedan glas za listu na kojoj je njegov odgovarajući klub.

U skladu sa članom 10.15 Izbornog zakona BiH, nakon provedenog tajnog glasanja, izborni materijal i rezultati glasanja dostavljaju se Centralnoj izbornoj komisiji BiH za konačnu raspodjelu mjesta. Mandati se raspodjeljuju jedan po jedan po listama ili kandidatu sa najvišim količnicima koji su rezultirali iz formule za proporcionalnu raspodjelu utvrđenu u članu 9.5 Izbornog zakona BiH. Kada lista dobije mandat, mandat se raspoređuje s vrha liste.

Uvidom u dostavljeni materijal o provedenim posrednim izborima za Dom naroda Parlamenta FBiH, utvrđeni su sljedeći rezultati:

Kandidatske liste iz reda bošnjačkog naroda:

1. Kandidatska lista predlagača Mrako Amira dobila je **8 glasova**,
2. Kandidatska lista predlagača Švago Almira dobila je **0 glasova**,
3. Kandidatska lista predlagača Orlović Amira dobila je **2 glasa**,
4. Kandidatska lista predlagača Škandro Admira dobila je **6 glasova**.

Kandidatske liste iz reda hrvatskog naroda:

1. Kandidacijska lista predlagatelja Saraf Marka dobila je **3 glasa**,
2. Kandidacijska lista predlagateljice Džambas Zdenke dobila je **3 glasa**,
3. Kandidacijska lista predlagatelja Nakić Ilije dobila je **4 glasa**,
4. Kandidacijska lista predlagateljice Bošnjak Željke dobila je **1 glas**.

Kandidatska lista iz reda srpskog naroda


1. Kandidatska lista predlagača Atanasijević Ljubinke dobila je **1 glas**.

Imajući u vidu da su ispunjeni svi zakonski uslovi za utvrđivanje rezultata izbora za delegate u Domu naroda Parlamenta Federacije Bosne i Hercegovine iz Skupštine Srednjobosanskog kantona, Centralna izborna komisija Bosne i Hercegovine je, u skladu sa članom 2.9 stav (1) tačka 9, a u vezi sa članom 10.15 Izbornog zakona Bosne i Hercegovine, odlučila kao u dispozitivu ove odluke.

Pravna pouka: Protiv ove odluke, u skladu sa članom 6.9 stav (1) i stav (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva (2) dana od dana prijema ove odluke, koju Centralna izborna komisija BiH dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.

Predsjednik
Branko Petrić



Dostaviti:

1. Skupština Srednjobosanskog kantona,
2. a/a.